

*ҚР ӘМ «ҰЗМИ» РМК директорының  
2020 жылғы «23» «желтоқсандағы»  
№ 254 нқ бұйрығының  
2-қосымшасына  
өзгерістер енгізу туралы  
ҚР ӘМ «ҰЗМИ» РМК директорының  
2022 жылғы «08» «қыркүйектегі»  
№ 297 нқ бұйрығы*

1. Инновациялық қызметті белсендіру және өнертапқыштарды қолдау мақсатында, өнертабыстарды, пайдалы модельдерді, өнеркәсіптік үлгілерді және селекциялық жетістіктерді қорғау саласындағы заң тұрғысынан елеулі әрекеттердің бағасы осы бұйрықтың 1-қосымшасына сәйкес 1-бөлімінің 1-4, 7-26, 28-32, 35, 36, 41-44-тармақтарында, 2-бөлімінің 45-58, 60, 63-65-тармақтарында, 3-бөлімінің 66-73-тармақтарында, 4-бөлімнің 76-тармағында, 1-қосымшаның 1-тармағында көрсетілген қызметтерге келесі жеңілдіктер қарастырылған:

1.1. Заңды тұлғаларға белгіленген бағаның 95% мөлшерінде төмендегі тұлғаларға:

Ұлы Отан Соғысы ардагерлеріне;

жеңілдіктері бойынша Ұлы Отан Соғысы ардагерлеріне теңестірілген тұлғаларға, атап айтқанда:

майдандағы армия бөлімдерінің әскери қызметшілеріне қалалардың қорғанысына қатысқаны үшін белгіленген жеңілдікті шарттармен зейнетақы тағайындау үшін 1998 жылғы 1 қаңтарға дейін еңбек сіңірген жылдарына есептеліп жазылған, сол қалаларда Ұлы Отан соғысы кезеңінде қызмет өткерген әскери қызметшілер, сондай-ақ бұрынғы КСР Одағы ішкі істер және мемлекеттік қауіпсіздік органдарының басшы және қатардағы құрамының адамдары;

Ұлы Отан соғысы кезеңінде майдандағы армия құрамына кірген әскери бөлімдерде, штабтарда, мекемелерде штаттық лауазымдар атқарған не сол кезеңдерде майдандағы армия бөлімдерінің әскери қызметшілеріне қалалардың қорғанысына қатысқаны үшін белгіленген жеңілдікті шарттармен зейнетақы тағайындау үшін 1998 жылғы 1 қаңтарға дейін еңбек сіңірген жылдарына есептеліп жазылған, сол қалаларда болған Кеңес Армиясының, Әскери-Теңіз Флотының, бұрынғы КСР Одағының ішкі істер және мемлекеттік қауіпсіздік әскерлері мен органдарының ерікті жалдамалы құрамының адамдары;

Ұлы Отан соғысы кезеңінде майдандағы армия мен флоттың құрамына кірген бөлімдердің, штабтар мен мекемелердің құрамында полк балалары (тәрбиеленушілері) және юнгалар ретінде болған адамдар;

Екінші дүниежүзілік соғыс жылдарында шет елдердің аумағында партизан отрядтары, астыртын топтар және басқа да фашизмге қарсы құралымдар құрамында фашистік Германия мен оның одақтастарына қарсы ұрыс қимылдарына қатысқан адамдар;

бұрынғы КСР Одағы Қатынас жолдары халық комиссариатының, Байланыс халық комиссариатының, кәсіпшілік және көлік кемелерінің жүзу құрамы мен авиацияның ұшу-көтерілу құрамының, Балық өнеркәсібі халық комиссариатының, теңіз және өзен флотының, Солтүстік теңіз жолы бас басқармасының ұшу-көтерілу құрамының арнаулы құралымдарының Ұлы Отан соғысы кезеңінде әскери

қызметшілер жағдайына көшірілген және ұрыс майдандарының тылдағы шекаралары, флоттардың жедел аймақтары шегінде майдандағы армия мен флот мүдделері үшін міндеттер атқарған қызметкерлері, сондай-ақ Ұлы Отан соғысының бас кезінде басқа мемлекеттердің порттарында еріксіз ұсталған көлік флоты кемелері экипаждарының мүшелері;

Ленинград қаласындағы қоршау кезеңінде қаланың кәсіпорындарында, мекемелері мен ұйымдарында жұмыс істеген және «Ленинградты қорғағаны үшін» медалімен немесе «Қоршаудағы Ленинград тұрғыны» белгісімен наградталған азаматтар;

Екінші дүниежүзілік соғыс кезеңінде фашистер мен олардың одақтастары құрған концлагерьлердегі, геттолардағы және басқа да мәжбүрлеп ұстау орындарындағы кәмелетке толмаған тұтқындар;

1986 – 1987 жылдары Чернобыль атом электр станциясындағы апаттың, азаматтық немесе әскери мақсаттағы объектілердегі басқа да радиациялық апаттар мен авариялардың салдарларын жоюға қатысқан, сондай-ақ ядролық сынақтарға тікелей қатысқан адамдар;

басқа мемлекеттер аумағындағы ұрыс қимылдарының ардагерлеріне:

бұрынғы КСР Одағының үкіметтік органдарының шешімдеріне сәйкес басқа мемлекеттердің аумағындағы ұрыс қимылдарына қатысқан Кеңес Армиясының, Әскери-Теңіз Флотының, Мемлекеттік қауіпсіздік комитетінің әскери қызметшілері, бұрынғы КСР Одағы Ішкі істер министрлігінің басшы және қатардағы құрамының адамдары (әскери мамандар мен кеңесшілерді қоса алғанда);

оқу жиындарына шақырылған және Ауғанстанға ұрыс қимылдары жүріп жатқан кезеңде жіберілген әскери міндеттілер;

Ауғанстанға ұрыс қимылдары жүріп жатқан кезеңде осы елге жүк жеткізу үшін жіберілген автомобиль батальондарының әскери қызметшілері;

бұрынғы КСР Одағының аумағынан Ауғанстанға жауынгерлік тапсырмалармен ұшқан ұшу құрамының әскери қызметшілері;

Ауғанстандағы кеңестік әскери контингентке қызмет көрсеткен, жарақат, контузия алған немесе мерткікен не ұрыс қимылдарын қамтамасыз етуге қатысқаны үшін бұрынғы КСР Одағының ордендерімен және медальдарымен наградталған жұмысшылар мен қызметшілер;

Тәжікстан-Ауғанстан учаскесінде Тәуелсіз Мемлекеттер Достастығының шекарасын қорғауды күшейту жөніндегі мемлекетаралық шарттар мен келісімдерге сәйкес міндеттерін орындаған Қазақстан Республикасының әскери қызметшілері;

Ирактағы халықаралық бітімгершілік операцияға бітімгерлер ретінде қатысқан Қазақстан Республикасының әскери қызметшілері;

Таулы Қарабахтағы этносаралық қақтығысты реттеуге қатысқан әскери қызметшілер, сондай-ақ бұрынғы КСР Одағы ішкі істер және мемлекеттік қауіпсіздік органдарының басшы және қатардағы құрамының адамдары;

Социалистік Еңбек Ерлері, үш дәрежелі Даңқ, үш дәрежелі Еңбек Даңқы ордендерінің иегерлеріне;

«Қазақстанның Еңбек Ері» атағына ие болған адамдарға;

Ұлы Отан соғысы жылдарында тылдағы қажырлы еңбегі мен мінсіз әскери қызметі үшін бұрынғы КСР Одағының ордендерімен және медальдарымен наградталған адамдарға;

1941 жылғы 22 маусым – 1945 жылғы 9 мамыр аралығында кемінде алты ай жұмыс істеген (қызмет өткерген) және Ұлы Отан соғысы жылдарында тылдағы қажырлы еңбегі мен мінсіз әскери қызметі үшін бұрынғы КСР Одағының ордендерімен және медальдарымен наградталмаған адамдарға;

мүгедектерге, сондай-ақ, бала кезінен мүгедектің ата-анасының біреуіне;  
оралмандарға;

кәмелетке толмағандарға;

«Алтын алқа», «Күміс алқа» аспаларымен марапатталған немесе «Батыр ана» атағын алған, сонымен қатар, I және II дәрежелі «Ана даңқы» орденімен марапатталған көп балалы аналарға.

1.2) жеке тұлғаларға – заңды тұлғалар үшін белгіленген бағаның 70% (пайыз);

1.3) Кәсіпкерлік кодекске сәйкес белгіленген шағын және орта бизнес субъектілері үшін заңды тұлғаларға белгіленген бағаның 20% (пайыз).

2. Осы қосымшаның 1.1-тармағында аталған адамдар үшін жеңілдіктер, бұрынғы КСР Одағын қорғау бойынша Ұлы Отан Соғысы кезінде, ұрыс операциялары кезінде, басқа мемлекеттердің аумағындағы ұрыс қимылдары кезінде майдандағы армияға, Чернобыль атом электр станциясындағы апаттың және азаматтық немесе әскери мақсаттағы объектілердегі басқа да радиациялық апаттар мен авариялардың салдарларын жоюға қатысуды, сондай-ақ, ядролық сынақтарға тікелей қатысуды растайтын анықтамалардың, әскери билеттердің және өзге де құжаттардың, жаралану, мүгедектік туралы анықтамалардың, сот-медициналық қорытындылардың, Ұлы Отан Соғысы ардагері куәлігінің, жасы бойынша зейнеткерлік төлемдерді (жәрдемақыларды) алушының куәлігіндегі белгілері негізінде белгіленеді.».

Жеңілдетілген баға өтінім берушілер жоғарыда көрсетілген санаттардың біріне жатқан жағдайда қолданылады.

3. Бағаларды төмендетілген мөлшерде төлеу құқығы жеңілдігі бар санатына жататынын растайтын құжат негізінде, төлемді растайтын құжатпен қоса тапсырылған жағдайда беріледі.

3.1. Төмендетілген бағаны қолдану құқығы патентке өз атына сұрау салған авторлар ұжымына немесе осы бұйрықпен белгіленген санаттардың біреуіне сәйкес келетін патент иелерінің әр қайсысына беріледі.

Егер өтініш берушілердің біреуі жеңілдетілген санатқа жатпаған жағдайда, төлем заңды тұлғаларға белгіленген мөлшерде төленеді.

Жұмысқа/қызметке төмендетілген бағаны қолдануы үшін осы бұйрықпен қарастырылған бірнеше негізі болған жағдайда, өтінім беруші (патент иесі) біреуін ғана пайдалануға құқылы.

4. Шағын және орта бизнес субъектілеріне бағаларды төмендетілген мөлшерде төлеу құқығы өтінім беруші (патент иесі) Қазақстан Республикасының Кәсіпкерлік кодексіне сәйкес шағын кәсіпкерлік субъектісі болып табылатынын растайтын құжаттардың негізінде беріледі.

4.1. Жеке кәсіпкер ретінде қызмет атқаратын жеке тұлғалар үшін шағын кәсіпкерлік субъектілеріне қарастырылған бағалар қолданылады.